

এইচ এস সি বাংলা ব্যাকরণ

অধ্যায় ১০: ণ-ত্ব ও ষ-ত্ব বিধান

প্রশ্ন ১। ণত্ব বিধান বলতে কী বোঝ? ণত্ব বিধানের পাঁচটি নিয়ম লেখো।

[ঢা. '০৬, '০৯ রা. '০৪, '১১, য.. ১৭, ০০, দি. ০৯; কু. '১৪]

উত্তর : বাংলা ভাষায় সাধারণত মূর্ধন্য (ণ) ধ্বনির ব্যবহার নেই। যে কারণে দেশি, তদ্ভব ও বিদেশি শব্দের বানানে মূর্ধন্য (ণ) লেখার প্রয়োজন হয় না। কিন্তু বাংলা ভাষায় বহু তৎসম বা সংস্কৃত শব্দে মূর্ধন্য (ণ)-এর সঠিক ব্যবহারের নিয়মই ণত্ব বিধান।

যেমন : তৃণ, কৃষাণ, খন্ড, বর্ণ ইত্যাদি।

ণত্ব বিধানের পাঁচটি নিয়ম। যথা :

১। ট-বর্গীয় ধ্বনির (ট, ঠ, ড, ঢ, ণ) সঙ্গে দন্ত্য (ন) বসে যুক্ত ব্যঞ্জন গঠিত হলে সবসময় মূর্ধন্য (ণ) হয়।

যেমন : ঘণ্টা, লুণ্ঠন, খন্ড, কাণ্ড ইত্যাদি।

২। তৎসম শব্দে ঞ, র, ষ-এর পরে মূর্ধন্য (ণ) হয়। যেমন : কারণ, ঞ্জ, কৃষাণ, মরণ ইত্যাদি।

৩। পরি, প্র, নির-এ তিনটি উপসর্গের পর ণত্ব-বিধানের নিয়ম অনুসারে দন্ত্য 'ন' ধ্বনি মূর্ধন্য (ণ) হয়।

যেমন-প্রণয়, প্রণতি, পরিণয়, পরিণতি, নির্ণয় ইত্যাদি।

৪। ঞ (,), র (,), ষ এর পর য, ব, হ, ঙ স্বরধ্বনি এবং 'ক' ও 'প' বর্গীয় বর্ণের পর মূর্ধন্য-ণ হয়। যেমন : প্রমাণ, পূর্ব্ণ, প্রাঙ্গণ ইত্যাদি।

৫। কতগুলো শব্দে সাধারণত মূর্ধন্য-ণ হয়। যেমন : চাণক্য, মাণিক্য, গণ, বাণিজ্য, লবণ, মণ ইত্যাদি।

প্রশ্ন : ২। ষত্ব বিধান কী? ষত্ব বিধানের পাঁচটি নিয়ম উদাহরণসহ লেখো। [ঢা. ১৭, ০৭, রা. ০৩, য. ০১, চ. ১৭]

উত্তর : যে বিধান বা নিয়মের সাহায্যে মূর্ধন্য 'ষ' ও দন্ত্য 'স' এর ব্যবহার নিয়ন্ত্রিত হয় তাকে ষত্ব বিধান বলে। যে বিধান বা নিয়ম অনুসারে পদমধ্যস্থিত দন্ত্য-স মূর্ধন্য-ষ হয়, তাই ষত্ব-বিধান।

মূর্ধন্য-ণ এর মতো মূর্ধন্য-ষ এরও ষাটি উচ্চারণ বৈশিষ্ট্য বাংলায় পরিলক্ষিত হয় না। শ, ষ, স—এই তিনটি বর্ণই বাংলায় 'শ' হিসেবেই উচ্চারিত হয় কিন্তু সংস্কৃত ভাষায় শ, ষ, স— এই তিনটিরই আলাদা উচ্চারণ বৈশিষ্ট্য আছে। তার অনুকরণে ষাটি বাংলা শব্দ অর্থাৎ অ-তৎসম শব্দেও মূর্ধন্য-ষ ব্যবহৃত হয়। যেমন—আউষ, ভাষা ইত্যাদি। কিন্তু ভাষাবিদদের মতে তদ্ভব শব্দে মূর্ধন্য-ষ ব্যবহার না করাই উচিত।

ষত্ব বিধানের পাঁচটি নিয়ম। যথা :

১। ঞ () র (ণ) কার ও র-এর পর ষ হয়। যেমন : ঞ্জি, কৃষি, বৃষ্টি, সৃষ্টি, বর্ষা ইত্যাদি।

২। ট, ঠ এই দুটো বর্ণের পূর্বের স সর্বদা ষ হয়। যেমন : কষ্ট, অষ্টম, অষ্টাদশ, নষ্ট, শ্রেষ্ঠ ইত্যাদি।

৩। অ, আ ভিন্ন স্বরধ্বনি এবং 'ক' ও 'র' এর পর মূর্ধন্য - 'ষ' হয়। যেমন : আবিষ্কার, চিকীর্ষা।

৪। ই-কারান্ত ও উ-কারান্ত উপসর্গের পর কতগুলো শব্দ ও ধাতুতে ষ হয়। যেমন : প্রতিষেধক, অনুষদ ইত্যাদি।

৫। কতগুলো শব্দে সাধারণত মূর্ধন্য-ষ হয়। যেমন : ভাষা, আষাঢ়, ষণ্ড ইত্যাদি।